

T A M B O N O, I N D U L G E N T I,  
C O N S T A N T I P A T R O N O  
D O M I N O Q V E M E O,  
I L L U S T R I, M A G N I F I C O, N O B I L I S S I M O

D O M I N O

# G E O R G I O H Ü B E N E R O,

Sacræ Regiæ Majestatis Poloniarum Burggratio, Reipubl. Thorunensis Pro-Consuli Seniori, Gymnasij Proto-Scholarchæ, laude majori,

A. D. 1700. Ætatis 72. Novembr. II. Supremum diem explenti,  
eiusdemque 21. in Avito Mausoleo, in Spem Resurrectionis  
contumulato, ultimo Stirpis suæ Viro,

H A N C

Pro Annorum aliquot Benevolentia, Consilijs, Beneficijs, Auxilijs,

N O N F I C T A R V M L A C R Y M A R V M

A M P U L L A M,

nec sine sensu doloris,

Ego JOHANNES REZIK Gymnas. Thorunensis Professor Publ. & Visitator, redbo.



*Thorunij in Typographia Magnifici & Nobilissimi Senatus.*

**F**ingimus ambiguis quām sāpe poēmata pennis.  
Mentimur lacrymas, fletus, gestuque dolores  
Immodicos testamur, & ora in mille figuras  
Vertimus, & tremulas formamus voce querelas  
Fluctibus abrepti veluti nimijque doloris  
Æstibus, in mortem vibramus tela, furores  
Illiū impetimus verborum pondere magno;  
Cum tamen immensas & mens & pectora gestenc  
Lætitias. Calamo Vatis non semper habenda  
Fronti & nulla Fides. Fugiat vesana libido  
Exitijke parens simulatio fronte dolorem  
Otentare docens & amicum singere vultum.  
Cor, animus, calamus, versus, meditatio, vires,  
Ingenium, lacrymæ, mea quicquid corporis umbra  
Continet, unius sint tanto in funere sensus,  
Hubnerus quando cadit inferturque sepulchro;  
Quando animam reddit Cœlis infundit & ossa  
Terræ; quando tuos deponit Curia fasces;  
Quando tuos linquit Schola mœrens tecta, labores;  
Cùm linquit natam, neprem dulcemque maritam;  
Et me cùm linquit fidum promptumque clientem  
Hubnerus. Citius spernet Pactolus arenas  
Auri quas volvit, contemnet Castora Pollux,  
Deseret Æneas langventem ætate parentem  
Gurgitibus medijs flammæ quām mente recedant,  
O Hubnere tuum nomen simulacraque vultus  
Corporis & facies. Dicam: Sic ora ferebat.  
Canities frontem decoravit qualis oloris

Est

Est vertex, sub qua posuerunt Numinia sedem  
Artis, Consilij validi, cui tradere habenas  
Vrbs poterat Thoruna suas & divus Apollo.  
Tu mihi delapsus fueras velut æthere summo  
Patronus, ros ut fusus sitientibus agris  
Nubibus, ut messi cœlo delabitur imber  
Fertilis, & vires tribuit langventibus herbis;  
Sic benefacta mihi tua donavere salutem.  
Inclyta me quando, bone Vir, tua tecta tenebant  
Quinque annis totidemque integris mensibus, hora  
Muneribus mihi nulla tuis effluxit inanis.  
Post mortem veneror laudo optatumque parentem,  
Qui mihi dux fuerat pulchras Virtutis ut arces  
Et artis nossem puer exhaustasque tueri  
Has scirem, tamen ignoro cui debeo plura,  
Patri an Hübnero? sic consociantur amore,  
Cum Patre Patronus mens ut cum corpore fluxo.  
Nomine nam solo differt à Patre Patronus,  
Non re, non cura, nec amore, favore perenni.  
Et Pater & Patronus amat, favet ille tuetur;  
Iste favet contra vim fortiter iste tuetur.  
Pergama cùm patriæ meditabar ritè vocatus,  
Quēis me divisorum Magnus Pater atque hominum Rex,  
Post varios casus gentis post multa meorum  
Funera, labentem voluit quoque ducere vitam.  
Tune redire paras? & amas, ait, impie, flammas  
Bellorum? in domibus clausis penetralibus hostem,  
Tela, viros, gladios cernes & inania multa.  
Per medios enses, & per discrimina mille  
Ibis, perveheris rerum in discrimina mille  
Ante oculos stabunt fluitantes ignibus Vrbes.

A 2

In

Est

In Patrum nati natorum in sanguine Patre,  
Volvuntur. Præstat pacis requiescere lauru  
Prussiaca, Attileum quām lassūm quærere Regnum.

Agnovi mentem, venerabar pectus amicum,  
Linquo tamen dulcem hanc animam carumque Patronum,  
Lechica per nemora & currus & dirigo cursus.  
Ite rotæ, dixi, terris Deus ipse quietem  
Atque meis ausis, spero, dabit ille salutem.

Ingredior Regnum (gelidus mea concutit ossa  
Horror, concrescit nimia formidine sanguis,  
Dum memini quæ sum passus quæ dira notavi,)  
Relliquis hominum video domuumque ruinam.  
Agnosco adveniens paucos, agnoscor & ipse  
Vix, quæro vix invenio cunabula gentis.

Patria da stabilem sedem, da mœnia Civi,  
Sæpius ingemui ut benè conscia Numina testor.  
In vanum cecidere preces patrique penates  
Linquendi, ambiguo fuerant incerta viarum  
Quærenda, impigras extendo ad sidera palmas,  
Poscens auxilium, mala pandens ordine certo  
Cessero nî fatis. Date currus, littora, ventos,  
Numina sancta, rogo, fugienti ostendite metam.

Desero Pannonicos fines curruque relicto,  
Vita data est Ventis rate disseco fluminis undas.  
Per nimbos hyemēque feror, mox gurgite vasto  
Jauctor, densatis vestitur nubibus ignis  
Solis, lux cessit sylvas nox occupat atra.  
Accessi tandem meliori sidere ductus  
Prussiacas terras dilecta & tecta Patroni,  
Quem vidisse satis fuerat. Spes fessa revixit.  
Hunc compello Virum, nostros cognoscere casus

Per-

Percupit attonitus: Quis te Deus intulit urbi?  
Quærit, pertexo dejecto singula vultu.  
Eccur celarem perspecti certus amoris?  
Excipit afflictum lacrymans propè: Collige mentem.  
Sat tibi sit, dixit, tantos vicisse labores.  
His iterum poteris salvus considere terris.  
Te capiet rursus pia Prussia, certa laborum  
Hic requies fuerit nos inter pacis alumnos.  
Excepit reducem veluti solet obvia puppis,  
Sæpe virum vastis jactatum fluctibus Istri.  
Quantos ille animi incerti pacaverit æstus,  
Dicere non facile est. Dapibus paterisque levabat,  
Protexit, rexit, digna statione locavit.  
Contudit insultus tumidos avidumque nocendi  
Repressit fastum, docuit submittere sensus,  
Qui nec ferre pares poterant nec frena volebant.  
Prudenti illius semper sermone movebar,  
Causas explicuit quando rerumque recessus,  
Fortunamque suam, discendi pectoris ignes,  
Quos vidit populos quos audivitque Magistros  
Gymnasio patrio, vel ab hoc summotus in oris  
Belgarum, vel qua desertus vixerit arte,  
Quando Sarmatiæ Regnis fera bella tonabant.  
Quantos tum Juvenes vicit dum voce Cathedras  
Orando implevit Franekeræ Laurea dignus  
Est habitus. Fuerat tam felix gloria lingvæ,  
Ut Patres Urbis, Musarum, Rhetora nostrum  
Cernere percuperent & ab illo discere gestus,  
Dicendique modos. Senium testatur abunde  
Quis fuerit, quantus fuerit, quando ora resolvit  
Orator, pariter testatur Epistola docti  
Schultzii, quem Gedanum, Frankfurt & scripta loqvuntur.

**D**o tibi, Lector, illam. Ita enim Vir Excellentissimus Dn. Iohannes Schultz, J. U. D. A. 1696. Mense Februar. ad Nostrum.

**Illustris & Magnifice Domine.**

**E**xpleri tandem passus es, avarum & penè inexpibile Orbis Literati desiderium, sermone inaugurali Tuo, publicæ jam luci dato. Mirantur omnes eximiam tuam dicendi facultatem, qua ita præ cæteris emines, ut non tantum Tui Ordinis, sed & O-ratorum facile Princeps audias. Quantam vim esse oportet, quæ inter obstantia erumpit. Eam certè vim Eloquentiæ Tuæ agno-scunt vel æmuli artis istius, ut ab invitis applausum extorserit. Neminem verò tam arrogantis nostra ætate supercilij fore autumo, qui Tibi præferri aut comparari velle audeat, nisi eadem se dignum censura autumet, qua à Seneca olim notati, qui Ciceroni Cæstium suum præferrent, nisi lapides timerent. Evidem non indiget opus ilmatissimum privatorum Encomio, cum splendor ejus satis integer sit, & citra alienæ commendationis lumen, plerorumque convincat ac perstringat invidorum oculorum aciem. Nec is mihi ambitio-nis stimulus, ut laudibus tuis cumulum quandam exiguo applau-su meo addi posse præsumam; id enim esset solaribus radijs lumen affundere velle. Indulgebis tamen affectui meritis Tuis licet im-pari, quo in æstimationem Tui, VIR ILLISTRIS, cum reliqua literatorum turba velut torrente quodam abripior. Sed alieno illico utor ad excusandam audaciam, antiqui cuiusdam Oratoris præsidio: Si mihi nimirum hoc nomine succenseas, quod Te minus, quam tua Virtus meretur suspicio ac demiror, omnibns quoque mortalibus succenseas oportet. Hanc quippe liberioris vocis & calami licentiam, tradita Panegyrim legendi potestate, an cessisti mihi an impressisti potius, cui, ut olim ex Apollinis Lyra:

**Saxo**

Saxo sonus ejus inhæsit.

**E**loquentiam Tuam, VIR ILLISTRIS, commendat res antiqua extra Eloquentiam, quo dignus Elogij genere, Orator quidam celeberrimus olim judicatus fuit. Themistium hic verò imitatus es. Is Musas Veneri amico junctas esse consortio ingeniose tradidit; illæ quippe purum & à barbarie sordibus depexum reddit sermonem; hæc decus & splendorem addit, ut comptus bene ac politus facilius in aures animumque admittatur. Procul alienus ab anxia illa Svada, qua pedantismi affect & innectendis verborum nodis operose torquentur. Rem animus tuus primum occupavit, cui delectus verborum sententiarumque nitorem conjunxit. Illam porro Inventionis rarioris promptitudinem, Eloquentiae preceptis haud debes, quin potius dotes ingenij Tui experientia firmati sponte natæ, ijsdem robur ac decus conferunt. Fateor legenti id evenisse mihi, quod olim auditoribus Cassij Severi, quorum illicet nemo non illo dicente timebat, ne desineret. Ast metum abstersit illicet convenientior Tibi laus, vel ipso Scauro judice, debita. Non minus videlicet magnam Virtutem esse, scire desinere, quam scire dicere. Magnum id continentiae in tanto rerum verborumque apparatus exemplum, imperare sibi posse, ne sermo veluti influxus videatur. Eadem ergo & exempli Tui, VIR MAGNIFICE, sequela, licet impare gressu, ductus scribendi licentia, terminum figo. Prolixiori verò sensu me profiteor esse

Illustris Magnificentiae Vestrae  
Addictissimum & humillimum Servum  
J. Schultz.

Jam tua non tangam, bone Vir, fortissima facta,  
Curia quæ novit Schola quæ reverenter adorat,  
Quæ depicta manent in grato pectore Civis.

Nec

Nec possum meritas pro tantis reddere grates  
Muneribus, fateor, servusque Cliensque paratus.  
Vivorum donec fragili regione morabor,  
Te decus ætherium semper venerabor, amabo.  
Præteriens quoties tua Sacra Sepulchra videbo,  
Dicam: *Defensor meus hic mea Fulcra quiescunt.*

## Dedicatio.

*Admitte hunc animum, placeant Tibi dona Clientis,  
Parva licet sint hæc sunt pia dona tamen.  
Immensus pontus parvas quoque suscipit undas,  
Tu magnus cùm sis suscipe parva, rogo.*

Et hoc scire juvat.

Mors Sceptra Fascibus æquat.

ANNO M. DC. LXXIII. Novemb. XI.

# SERENISSIMUS REX POLONIÆ

# M I C H A E L,

Exuta Mortalitate Animam Cœlo reddidit:

ANNNO M. DCC. Novemb. XI.

## Burggrabiū nōst̄r,

Inania Terræ relinquens, Cælum ascendit.

Utrumque utraque dies mæstum vidit & latum.

*Felix & eo, quod primus fuerit, qui collatam*

Principi gratulabatur Majestatem.

Digitized by srujanika@gmail.com

0-Ventura-Blanco

\* \* \* \* \*

\* \* \*

1100. 1101. 1102. 1103. 1104. 1105. 1106. 1107. 1108.

*stūdios*

Digitized by Google

1982-11-15

K.W. 3 add. 123

W. fol. 3 cont. 163